

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 708. An res propria testatoris, pignoris nomine obligata alteri
legari possint.

[urn:nbn:de:hbz:466:1-73957](#)

Dum autem res illa est unius ex pluribus hæredibus institutis, idque sciebat testator, probatā hac scientiā à legatario, omnes hæredes debent pro rata contribuere ad estimationem illius rei, ut rem illam legatam consequatur legatarius. *L. sibi homo. §. fundus. ff. delegat. I.* De Lugo. *I. c.* si vero testator ignoravit esse non suam, alios coheredes ad nihil teneri; cum respectu illorum res aliena ignoranter legata sit, eum autem hæredem, cuius res erat propria, teneri; quia respectu illius, non res aliena, sed propria legata est, ait Idem de Lugo. & quamvis aliqui cum Bart. doceant eum teneri ad totam illum rem solvendam, quam sententiam licet fateatur communem de Lugo, ait tamen alios melius cum Jason, Molin. Gomes. Sentire, teneri illum tantum ad solvendam partem quam ipse solveret, si ceteri contribuissent, cuius rationem vide apud eundem.

4. Resp. tertio: si res, quæ aliena est respectu testatoris, spectans ad aliquem tertium, qui nec hæres nec legatarius est, legetur à testatore nesciente hoc, sed putante esse suam, nec res, nec ejus estimatione debetur legatario, estque legatum omnino nullum juxta §. 4. *Inst. de legat. l. 67. §. 8. ff. eod.* quia si testator scivisset esse alienam, præsumitur non legatus fuisse, nisi fuerit legata persona conjuncta vel dilecta; tunc enim legatum subsistit, præsumptione affectionis elidente præsumptionem oppositam. *I. 10. c. de legat.* Brunem. *ibid.* Carpz. *I. 6. resp. 28. num. 6.* Molin. *I. c. d. 196. num. 4.* & §. ubi etiam ad quotum gradum hæc conjunctio extendenda, id relinquendum Judicio arbitrio. Zoës. in *I. 10. c. de legat. num. 15.* Haunold. *Tom. 2. de f. & f. rr. 7. num. 281.* Lauterb. §. 30. & alii juxta expressum textum *cit. I. 10. c. de legat.* E contra si res talis legetur à testatore scientie alienam, sequens nullum in ea habere, valet legatum; quia censetur hæres gravatus, ut justo pretio rem illum compararet, & tradat legatario; aut si dominus rei eam planè non, vel non nisi immodico pretio vendere vult, justam arbitrio Judicis ejus estimationem præstet. *I. 30. §. fin. I. 14. ff. de legat. §. non solum. Inst. eod.* Pirk. *b. t. num. 82.* Wiestn. *num. 135.* Lauterb. *I. c.* idque statutum in favorem testamenti & ultimæ voluntatis, ut effectum sortiatur. Sitamen res illa non est in commercio, & hinc non potest aut solet seu alienari, legatum est nullum juxta §. *non solum de Inst. de legat.* ita ut nec ejus estimatione debatur; cum eorum, quæ vendi nequeunt, fieri non possit estimatione. *I. 39. §. consat. ff. de legat. 3.* Pirk. *I. c.* sed neque huic Juris civilis dispositioni repugnare Jus Canonicum. *c. filius. h. t.* ut volunt cum Gl. *fin.* Abb. *in idem. c. num. 5.* Imol. *num. 9.* & alii apud Covar. *in idem. c. num. 9.* dum *ibidem.* videtur pronunciare Papa, rem alienam legatam retineri à legatario esse iniquum, adeoque ejus restitutionem imperat ex ea ratione, quod, non lege hujus sæculi seu civili, quæ rem alienam legatam præstare cogit, & præstite retentionem permittit; sed lege Dei eam domino suo restituere jubentis vivendum sit; rectius astruunt. Covar. *in cit. c. filius. num. 41.* Gonzal. *ibid. num. 13.* Fachin. *I. 5. contrav. c. 38.* Haunol. *I. c. num. 282.* Pirk. *b. t. num. 84.* Wiestn. *num. 136.* Reiffenst. *num. 674.* & alii passim, eo quod Pontifex *in cit. cap. nullatenus leges civiles aliena rei legatum approbantes generaliter improbet;* sed in his solum circumstantiis, ubi legatarius tanquam iniquus rei legata detentor invito domino illum restituere nollet, pro se allegans dispositionem Juris civilis, qui est casus

*cit. cap. & quod, si facerent leges civiles, merito iis relictis, standum legi Dei. Sed tantum abest, ut permittant, multoque minus approbent leges civiles, ut etiam positivè vertent dominum ad vendendum invitum cogi; sed eo invito ab hærede justam estimationem illius præstandam volunt, adeoque leges civiles nihil continent iniquitatis. alias *cit. cap. expositiones* vide apud Pirk. *n. 86. & seq.* Reiffenst. *I. c.* verum quidquid sit de *cit. cap. intellectu*, sufficit, ut bene ait Reiffenst. quod communis DD. concedat vi illius legatum rei alienæ scienter factum non improbari, & consequenter etiam de Jure Canonico valere; cum in eo textus aliis contrariis non reperiatur, quin & positivè & aperie favens extet in *can. si Episcopus. 12. q. 5.* ut tamen valeat legatum rei alienæ, legatarius probare debet, testatorem sciuisse esse rem alienam; & non hæres ignorantiam illius; quia legatarius fundat intentionem suam in hac scientia, estque agens, cui incumbit probatio, & insuper pro hærede pugnat præsumptio Juris; cum eo fine inventa sit testamenti factio, ut quis de re sua propriâ mortis causâ disponere posset, & ita tenet Mantic. *de conject. ult. vol. I. 9. tit. 10. num. 2.* Sichard. *ad I. 10. c. de legat. num. 9. & 10.* Pirk. *b. t. num. 83.* Reiffenst. *num. 672.* Lauterb. *cit. §. 30.**

5. De cætero extenditur responsio quo ad partem posteriorem ita, ut valeat quoque legatum rei non facræ pertinentias ecclesiæ. v.g. fundi scienter factum; eo quod licet talis res difficulter sit alienabilis, quia prohibita alienari sive pluribus solemnitatibus juris, non sit, tamen omnino in alienabilis; adeoque non minus quam res pupillorum, eti non nisi observato modo alienari queant, legari tamen possunt, ita & res ecclesiæ, ut vel redimi possent, vel si non possint, debeatur eorum estimatione. *can. si Episcopus.* Abb. *in c. cum ess. num. 18.* Covar. *in cit. c. filius. num. 7.* Wiestn. *b. t. num. 137.* His non obstante. *I. 39. §. 7. ff. de legat. 1.* quia ubi agitur de legata re aliena, quæ censetur non esse in commercio; cum vendi non possit sine consensu Principis, quem is difficulter præstare solet. Covar. *I. c. num. 8.* Limitatur è contra pars prior responsionis, ut legatum rei alienæ factum ab ignorantie favore rei piæ valeat, ut probabilitas tenet Tiraq. *de privileg. can. pia. privil. 66.* Menoch. *I. 4. presump. 116. num. 31.* Wiestn. *num. 138.* contra Abb. *in cit. c. filius. num. 1.* Arg. *L. cum alienam, ubi legatum rei alienæ ignoranter factum personæ conjunctæ favore conjunctionis.* & *I. 39. pr. ff. de fideicommiss. libert.* ubi libertas servo alieno ignoranter relata favore libertatis valet; & tamen non minus favorabilis sit causa pia, quam causa conjunctionis & libertatis.

Quæst. 708. An res propria testatoris pignoris nomine obligata alteri legari possit?

R Esp. affirmative. §. sed et si. *Inst. de legat.* Delben. *de immunit. eccl. part. I. c. 8. dub. 26. sed. 27. n. 3.* valeatque legatum, sive id sciverit testator, sive ignoraverit. Lauterb. *in ff. de legat. §. 24.* *juxta textum I. 57 ff. de legat. 1.* contra Bachov. *ad §. 5. Inst. de legat.* violentem non valere, si testator id scivit, fecit, si ignoravit quamvis inter scientiam & ignorantiam legantis distinguendum dicat Lauterb. quod ad effectum talis legati, ita ut, si legans sciat rem oppignoratam esse, hæres debeat eam luere, & liberalem legatario præstare pro quo citat. Vinn. *ad cit.*

cit. §. 5. Brunem. ad l. 6. c. de fideicom. si vero id ignoraverit, legatarius eam luere debeat, pro quo quot citat. *cit. lib. 57.* Carpz. p. 1. decis. 20. num. 13. Molin. tom. 2. d. 201. n. 1. idemque vult de Lugo. absque eo, quod dicat aut velit valere vel non valere legatum secundum se. Cujus tamen postremi duas ex *cit. l. 57.* affert exceptions. Primam, silegans id sciens rem aliam non oppignoratam legasset, quod ex circumstantiis estimari soleat, maximè ex affectione quam legans erga legatarium habet. v. g. si intimo amico, vel fratri aut cognato legaverit. & ex conditione legatarii vel rei legatae voluntas illius contraria intelligi non possit. Secundam, si debitum estimationi rei legatae æquale sit; hoc enim in casu presumitur voluisse, ut hæres ipse solvat ne alias ludificari videatur legatarius. quod autem in hoc casu, dum res pro tanta summa obligata esset, ut, si legatarius vellet eam redimere, nihil ei lucri remaneret ex legato, hæres deberet eam luere, ne legatum sit inutile, ut docent Molin. l.c. d. 201. in pr. Valsq. de testam. c. 8. §. 4. du. 9. num. 85. juxta l. 60. ff. de legat. 1. id inquam, non tantum sibi displicere cum aliis apud Molin. sed & falsum videbitur, ait & probat de Lugo. l.c. ostenditque num. 271. id nullius in *cit. L.* contineri. quem vide de hoc fuse. Porro si res legata data in pignus non pro debito ipsius, sed alieno, pro quo forte testator aut illius procurator ejus nomine fideiussicerat, & pignus dederat, & postea testator hujus ignarus vel immemor, rem illam legavit Tito, isque eam, ut haberet, redemit, debere heredem ei cedere actionem, quam defunctus habebat contra debitorem principalem, pro quo fideiussicerat, ut possit ab eo debitum repeteret, & pretium à se solutum ad pignus redendum, tradit de Lugo. num. 272, ubi etiam, quod, si testator è contra pignus apud se habeat, & rem illam oppignoratam debitori legavit, censeatur debitum illud, pro quo res oppignorata erat, remittere, & nihil aliud.

Quæst. 709. An res testatoris litigiosa ab eologari posse, & quo effectu?

1. **R**esp. ad primum: res litigiosa (quæ quantum talis dicatur, videri potest in novell. 112. c. 1.) legari ab eo potest. l. 4. §. 1. c. de litig. tametsi enim res litigiosa alienari prohibeantur tot. tit. ff. & c. de litigiof. & propterea dicantur non esse in commercio; hæc tamen prohibitio restricta est ad alienationes inter vivos, adeoque non extendenda ad dispositiones ultimas Lauterb. l.c. §. 20.

2. Resp. ad secundum: quamvis affectus hujus legislationis olim erat, ut res ipsa litigiosa aut ejus estimatione praestaretur, ut constat ex l. 3. c. de litig. iure tamen novo *cit. novell. 112.* actione vel re litigiosa legata dubius solùm litis eventus relictus censetur, ita ut hæres propriis sumptibus ad litis prosecutionem teneatur, & si in mora est, contra illum legatarius actione incerti agere potest, ut litiam prosecutetur. *cit. novell. 112.* unde etiam hæres legatario cautionem praestare debet juxta l. 14. & seq. ff. ut legat. seu fideicom. caus. caveat. Legatarius vero actionem vel rem litigiosam in se transferre nequit; cum hæc constitutio inducta sit in favorem litigantium, ac eorum condicione substituto alio adversario fiat deterior. unde & testator contra hanc dispositionem nihil injungere potest per l. 55. ff. de legat. 1. ita Lauterb. l.c. cum Carpz. l. 6. resp. 26. num. 16. ne tamen forte collusione aliqua eventus litis evadat deterior, potest legatarius hæredi, li-

tem in judicio præsequenti assistere, testes producere, & formare articulos. Lauterb. juxta *cit. novell. c. 1.* si vero hæres vicerit, quidquid per sententiam obtinuit, præstat legatario, & hic è contra nihil consequitur, si hæres victus fuerit. *cit. novell.* siquidem hoc legatum, æquè ac legatum rerum futurarum, hanc tacitam continet conditionem: si hæres vicerit, unde etiam re litigiosa legata, dominum non statim à morte legantis in legatarium transit, sed hæres, si vicerit dominus in sententia declaratur, non legatarius. Latè vero sententiā dominium rei statim ipso jure transit in legatarium, illudque tempus retrotrahitur ad tempus mortis legantis. ita in *cit. novel.* Et hæc quidem, si testator scivit rem esse litigiosam, si ignoravit, distinguendum ita, ut si crediderit rem litigiosam esse alienam, legatum indifferenter præstandum: sive hæres vicerit; nam & res propriæ quasi aliena validè legatur. §. 11. *Inst. de legat.* sive hæres victus fuerit, & res evicta, tunc enim est legatum rei alienæ, quam hæres vel redimere & præstare debet, vel, si redimere nequit, ejus estimationem. §. 4. *Inst. cod.* si credit esse suam, effectus similiter pendet à futuro legis eventu. ita Lauterb. §. 21. ex *cit. novell.*

Quæst. 710. An & qualiter res in genere legari posse & qualiter præstanta?

Resp. tametsi legatum rei alicujus indeterminatæ factum in genere generalissimo, dicendo v. g. lego ei aliquid: vellego ei aliquod animal; sit inutile adeoque nullum; cum dari posset in hoc casu passer unus ut bene de Lugo. l.c. num. 260. cum Valsq. de testam. c. 8. §. 4. du. 7. item Lauterb. in ff. de legat. §. 34. Arg. l. 115. ff. de V.O. Legatur tamen res utiliter non tantum in specie, sed etiam in genere magis determinato, non quidem accipiendo & genus cum Philosophis pro eo, quod de pluribus specie differentibus prædicatur; sed pro eo, quod prædicitur de pluribus numero solo differentibus, quod Philosophis species, Juris Consultis genus dicitur; quale quid est homo, equus, dominus, fundus &c. & tale quid dicitur legatum generis in dicto sensu. & quidem tale legatum, si determinationem à natura accipiat, ut contingit in legato equo, valere legatum certum est, saltem si testator rem talem habeat. si tamen determinatio illius omnino dependet ab arbitrio hominis, legatum propter summam incertitudinem, quæ redderet illud elusorum, non valebit. Lauterb. l.c. exemplificans hoc postremum in fundo, quem tali modo inutiliter & elusoriæ adeoque nulliter legari communiter sentiunt AA. cum eo sic legato, tradendo quacunque ejus partem satisfecisset. non tamen à fundo valere argumentum ad aedes, utpote quarum determinatio etiæ quoque dependeat ab arbitrio hominum, non tamen parem ac fundus patiuntur indeterminationem; cum jure gentium ex fine suo certam quantam habeant determinationem, quæ consistit in aptitudine ad habitandum. Quod si vero testator non habeat rem, quam legavit, verius videri, valere nihilominus legatum per §. 22. *Inst. de legat.* asserit Muller. ad Siruv. in ff. de legat. th. 16. Lit. Z. unde etiam, si non habeat, eam emendam ab hærede, & tradendam legatario, dicit de Lugo. l.c. si vero habeat res plures ejusdem speciei, quæ in genere legata, quarum una altera melior, electio est regulariter penes legatario in favo-